

元

史

百衲本二十四史

元史

四部叢刊史部

上海涵芬樓景印  
北平圖書館及自  
藏明洪武刻本原  
書版匡高二十六  
公分寬十七公分

進元史表

銀青榮祿大夫上柱國錄軍國重事中書左丞相  
兼太子少師宣國公臣李善長等言伏以紀一代  
以爲書史法相沿於遷固考前王之成憲周家有  
監於夏殷蓋因已徃之廢興用作將來之法戒惟  
元氏之有國本朔漠以造家事兵戈而爭強并部  
落者十世逐水草而爲食擅雄長於一隅逮至成  
吉思之時聚會斡難河之上方尊位號始定教條  
旣近取於乃蠻復遠攻於回紇渡黃河以蹴西夏  
踰居庸以瞰中原太宗繼之而金源爲墟世祖承

之而宋錄遂訖立經陳紀用夏變夷肆宏遠之規模成混一之基業爰及成仁之主見稱願治之君唯祖訓之式遵思孫謀之是遺自茲以降亦號隆平豐亨豫大之言壹倡於天曆之世離析渙奔之禍馴致於至正之朝徒玩細娛浸忘遠慮權姦蒙蔽於外嬖倖蠱惑於中周綱遽致於陵遲漢網實因於䟽闊由是羣雄角逐九域瓜分風波徒沸於重溟海岳竟歸於

真主臣善長等誠惶誠恐頓首頓首欽惟  
皇帝陛下奉

天承運濟世安民建萬世之不圖紹百王之正統  
大明出而燭火息率土生輝迅雷鳴而衆響銷鴻  
音斯播載念盛衰之故乃推忠厚之仁僉言實旣  
亡而名亦隨亡獨謂國可滅而史不當滅特  
詔遺逸之士欲求論議之公文辭勿致於艱深事  
跡務令於明白苟善惡瞭然在目庶勸懲有益於  
人此皆

天語之丁寧足見

聖心之廣大於是命翰林學士臣宋濂待制臣王  
禕協恭刊裁儒士臣汪克寬臣胡翰臣宋僖臣陶

凱臣陳基臣趙壘臣曾魯臣趙訪臣張文海臣徐  
尊生臣黃箎臣傅恕臣王錡臣傅著臣謝徽臣高  
啓分科修纂上自太祖下迄寧宗據十三朝實錄  
之文成百餘卷粗完之史若自元統以後則其載  
籍靡存已遣使而旁求俟續編而上送愧其才識  
之有限弗稱三長兼以紀述之未周殊無寸補臣  
善長忝司鈞軸幸覩成書信傳信而疑傳疑僅克  
編摩於歲月筆則筆而削則削敢言褒貶於春秋  
仰塵

乙夜之觀期作

千秋之鑑所譔元史本紀三十七卷志五十三卷  
表六卷傳六十三卷目錄二卷通計一百六十一  
卷凡一百三十萬六千餘字謹繕寫裝潢成一百  
二十冊隨表

上進以

聞臣善長下情無任激切屏營之至臣善長等誠  
惶誠恐頓首頓首謹言

洪武二年八月十一日銀青榮祿大夫上柱  
國錄軍國重事中書左丞相兼太子少師宣  
國公臣李善長上表



進元史表卷一

纂脩元史凡例

一本紀

按兩漢本紀事實與言辭並載兼有書春秋之義及唐本紀則書法嚴謹全倣乎春秋今修元史本紀準兩漢史

一志

按歷代史志爲法間有不同至唐志則悉以事實組織成篇考覈之際學者憚之惟近代宋史所志條分件列覽者易見今脩元史志準宋史一表

三十九  
按漢唐史表所載爲詳而三國志五代史則無之唯遼金史據所可考者作表不計詳略今脩元史表準遼金史

一列傳

按史傳之目冠以后妃尊也次以宗室諸王親也次以一代諸臣善惡之總也次以叛逆成敗之歸也次以四夷王化之及也然諸臣之傳歷代名目又自增減不同今脩元史傳準歷代史而參酌之

一歷代史書紀志表傳之末各有論贊之辭今脩

元史不作論贊但據事直書具文見意使其善惡自見準春秋及欽奉

聖旨事意

元史凡例

元史目錄上

本紀四十七卷

第一

元史一

太祖

第二

元史二

太宗

定宗

第三

元史三

憲宗

第四

元史四

世祖一

第五

元史五

世祖二

第六

元史六

世祖三

第七

元史七

世祖四

第八

元史八

世祖五

第九

元史九

世祖六

第十

元史十

世祖七

第十一

元史十一

世祖八

第十二

元史十二

世祖九

第十三

元史十三

世祖十

第十四

元史十四



世祖十一

第十五

元史十五

世祖十二

第十六

元史十六

世祖十三

第十七

元史十七

世祖十四

第十八

元史十八

成宗一

第十九

元史十九

成宗二

第二十

元史二十

成宗三

第二十一

元史二十一

成宗四

第二十二

元史二十二

武宗一

第二十三

元史二十三

武宗二

第二十四

元史二十四

仁宗一

第二十五

元史二十五

仁宗二

第二十六

元史二十六

仁宗三

第二十七

元史二十七

英宗一

第二十八

元史二十八

英宗二

第二十九

元史二十九

泰定帝一

第三十

元史三十

泰定帝二

第三十一

元史三十一

明宗

第三十二

元史三十二

文宗一

第三十三

元史三十三

文宗二

第三十四

元史三十四

文宗三

第三十五

元史三十五

文宗四

第三十六

元史三十六

文宗五

第三十七

元史三十七

寧宗

第三十八

元史三十八

順帝一

第三十九

元史三十九

順帝二

第四十

元史四十

順帝三

第四十一

元史四十一

順帝四

第四十二

元史四十二

順帝五

第四十三

元史四十三

順帝六

第四十四

元史四十四

元史目錄  
三  
朔旦慶文  
順帝七

第四十五

元史四十五

順帝八

第四十六

元史四十六

順帝九

第四十七

元史四十七

順帝十

志五十三卷

第一

元史四十八

天文一

第二

元史四十九

天文二

第三上

元史五十

五行一

第三下

元史五十一

五行二

第四

元史五十二

曆一

第五

元史五十三

曆二



第六

元史五十四

曆三

第七

元史五十五

曆四

第八

元史五十六

曆五

第九

元史五十七

曆六

第十

元史五十八

地理一

第十一

元史五十九

地理二

第十二

元史六十

地理三

第十三

元史六十一

地理四

第十四

元史六十二

地理五

第十五

元史六十三

地理六

第十六

元史六十四

河渠一

第十七上

元史六十五

河渠二

第十七下

元史六十六

河渠三

第十八

元史六十七

禮樂一

第十九

元史六十八

禮樂二

第二十

元史六十九

禮樂三

第二十一

元史七十

禮樂四

第二十二

元史七十一

禮樂五

第二十三

元史七十二

祭祀一

第二十四

元史七十三

祭祀二

第二十五

元史七十四

祭祀三

第二十六

元史七十五

祭祀四

第二十七上

元史七十六

祭祀五

第二十七下

元史七十七

祭祀六

第二十八

元史七十八

輿服一

第二十九

元史七十九

輿服二

第三十

元史八十

輿服三

儀衛

第三十一

元史八十一

選舉一

第三十二

元史八十二

選舉二

第三十三

元史八十三

選舉三

第三十四

元史八十四

選舉四

第三十五

元史八十五

百官一

第三十六

元史八十六

百官二

第三十七

元史八十七

百官三

第三十八

元史八十八

百官四

第三十九

元史八十九

百官五

第四十

元史九十

百官六

第四十一上

元史九十一

百官七

第四十一下

元史九十二

百官八

第四十二

元史九十三

食貨一



第四十三

元史九十四

食貨二

第四十四

元史九十五

食貨三

第四十五上

元史九十六

食貨四

第四十五下

元史九十七

食貨五

第四十六

元史九十八

兵一

第四十七

元史九十九

兵二

第四十八

元史一百

兵三

第四十九

元史一百一

兵四

第五十

元史一百二

刑法一

第五十一

元史一百三

刑法二

第五十二

元史一百四

刑法三

第五十三

元史一百五

刑法四

表六卷

第一

元史一百六

后妃

第二

元史一百七

宗室世系

第三

元史一百八

諸王

第四

元史一百九

公主

第五上

元史一百十

三公一

第五下

元史一百十一

三公二

第六上

元史一百十二

宰相一

第六下

元史一百十三

宰相二

元史目錄上

元史目錄下  
列傳九十六卷

第一

元史一百十四

太祖光獻翼聖皇后

太宗昭慈皇后

定宗欽淑皇后

憲宗貞節皇后

世祖昭睿順聖皇后 南必皇后

成宗貞慈靜懿皇后 卜魯罕皇后

武宗宣慈惠聖皇后 速哥失里皇后

仁宗莊懿慈聖皇后

英宗莊靖懿聖皇后

泰定帝八不罕皇后

明宗貞裕徽聖皇后

八不沙皇后

文宗卜答失里皇后

寧宗答里也忒迷失皇后

伯顏忽都皇后  
完者忽都皇后

順帝答納失里皇后

第二

元史一百十五

睿宗

裕宗

顯宗

順宗

第三

元史一百十六

睿宗顯懿莊聖皇后 裕宗徽仁裕聖皇后  
顯宗宣懿淑聖皇后 順宗昭獻元聖皇后

第四

元史一百十七

別里古台

術赤

禿剌

牙忽都

寬徹普化

帖木兒不花

第五

元史一百十八

特薛禪

字禿

阿剌兀思剔吉忽里

闊里吉思

第六

元史一百十九



木華黎

字魯乃燕

塔思霸突魯

速渾察塔塔兒台

脫脫

博尔木

玉昔帖

木兒

博尔忽

塔察兒

第七

元史一百二十

察罕

亦力撒合

立智理威

札八兒火者

术赤台

鎮海

肖乃台

抹兀答兒兀魯台

吾也而

曷思麥里

第八

元史一百二十一

速不台

兀良合台

按竺迺

畏答兒

博羅歡  
伯都

抄思 別的因

第九

元史一百二十二

巴而木阿而忒的斤

鐵邁赤

忽都鐵木祿  
塔海

按札兒

雪不台

唵木海

昔里鈴部

梨直脂魯華

昔里吉思

哈散納

第十

元史一百二十三

布智兒

召烈台抄兀兒

闊闊不花

拜延八都魯

阿木魯

紹古兒

阿刺瓦而思

抄兒

也蒲甘卜

趙阿哥潘

純只海

苦徹拔都兒

怯怯里

塔不已兒

直脫兒

月里麻思

捏古刺

阿兒思蘭

哈八兒禿

艾兒

第十一

元史一百二十四

塔本

阿里乞失帖木兒

阿台鎖咬兒哈的迷失

哈刺亦哈赤北魯

阿隣帖木兒

塔塔統阿

岳璘帖木兒

李楨

速哥

忙哥撒兒

伯荅沙

孟速思

第十二

元史一百二十五

賽典赤瞻思丁

納速刺丁

忽辛

布魯海牙

高智耀

膺

鐵哥

第十三

元史一百二十六

安童

兀都帶

廉希憲

希賢

第十四

元史一百二十七

伯顏

第十五

元史一百二十八

阿朮

阿里海牙

相威

土土哈

牀兀兒

第十六

元史一百二十九

來阿八赤

紐璘

也速答兒

阿剌罕

阿塔海

唆都

百家奴

李恒

第十七

元史一百三十

徹里

不忽木

完澤

阿魯渾薩理 岳柱

第十八

元史一百三十一

速哥

囊加歹

忙兀台

奧魯赤

完者都

伯帖木兒

懷都

亦黑迷失

拜降

第十九

元史一百三十二

杭忽思

步魯合答

玉哇失

麥里

探馬赤

拔都兒

昂吉兒

哈刺解

沙金

帖木兒不花

第二十

元史一百三十三

塔出

拜延

也罕的斤

葉仙鼎

脫力世官

忽刺出

重喜

旦只兒

脫歡

完者拔都

失里伯

孛羅奚

怯烈

暗伯

也速解兒

昔都兒

第二十一

元史一百三十四

撒吉思

月乃合

昔班

鐵連

愛薛

闊闊

禿忽魯

唐仁祖

朶兒赤

和尚

千奴

劉容

迦魯納答思



闊里吉思

小雲石脫忽隣

八丹

幹羅思

朶羅台

也先不花

第二十二

元史一百三十五

鐵哥朮

塔出

塔里赤

塔海帖木兒

口兒吉

忽都

孛兒速

月舉連赤海牙

阿答赤

明安

忽林失

失剌拔都兒

徹里

曷刺

乞台

脫因納

和尚

第二十三

元史一百三十六

哈刺哈孫

阿沙不花

拜住

第二十四

元史一百三十七

察罕

曲樞

阿禮海牙

奕赫抵雅爾丁

脫烈海牙

第二十五

元史一百三十八

康里脫脫

燕鐵木兒

撒敦  
唐其勢

伯顏

馬札兒台

脫脫

第二十六

元史一百三十九

乃蠻台

朶兒只

朶爾直班

阿魯圖

紐的該

第二十七

元史一百四十

別兒怯不花

太平

鐵木兒塔識

達識帖睦爾

第二十八

元史一百四十一

太不花

察罕帖木兒

第二十九

元史一百四十二

答失八都魯

慶童

也速

徹里帖木兒

納麟

第三十

元史一百四十三

馬祖常

巖巖

回回

自當

阿榮

小雲石海涯

泰不華

余闕

第三十一

元史一百四十四

答里麻

月魯帖木兒

卜顏帖木兒

星吉

福壽

道童

第三十二

元史一百四十五

亦憐真班

廉惠山海牙

月魯不花

達理麻識里

第三十三

元史一百四十六

耶律楚材 鑄

粘合重山

楊惟中

第三十四

元史一百四十七

張柔

弘畧

史天倪

天祥 權樞

第三十五

元史一百四十八

董俊

文蔚

文忠

嚴實

忠濟 忠嗣

第三十六

元史一百四十九

耶律留奇

劉伯林

黑馬 元振

郭寶玉

德海 侃

石天應

移刺捏兒

買奴

耶律禿花

禿滿 答兒

王珣

榮祖

第三十七

元史一百五十

石抹也先

何伯祥

瑋

李守賢

耶律阿海

何實

郝和尚拔都

趙璠

秉溫

石抹明安

張榮

劉亨安

第三十八

元史一百五十一

薛塔刺海

高開兒

王義

王玉忱

趙迪

邸順琮

王善慶端

杜豐

石抹孛迭兒

賈塔刺渾

奧屯世英

田雄

張拔都

張榮

趙天錫賁亨

第三十九

元史一百五十二

張晉亨好古

王珍

楊傑只哥

劉通

岳存

張子良懋



唐慶

齊榮顯

石天祿

石抹阿辛

劉斌

思敬

趙柔

第四十

元史一百五十三

劉敏

王檝

王守道

高宣

王玉汝

焦德裕

石天麟

李邦瑞

楊奐

賈居貞

第四十一

元史一百五十四

洪福源

俊奇萬

君祥

鄭鼎

制宜

李進

石抹按只

謁只里

鄭溫

第四十二

元史一百五十五

汪世顯

德臣惟正

良臣

史天澤

格

第四十三

元史一百五十六

董文炳

士元

士選

張弘範

第四十四

元史一百五十七

劉秉忠

秉恕

張文謙

郝經

第四十五

元史一百五十八

姚樞

許衡

竇默

李俊民

第四十六

元史一百五十九

宋子貞

商挺

趙良弼

趙璧

第四十七

元史一百六十

王磐

王鶚

高鳴

李冶

李昶

劉肅

王思廉

李謙

徐世隆

孟祺

閻復

第四十八

元史一百六十一

楊大淵

文安

劉整

第四十九

元史一百六十二

李忽蘭吉

李庭

史弼

高興

劉國傑

第五十

元史一百六十三

李德輝

張雄飛

張德輝

馬亨

程思廉

烏古孫澤

趙炳

第五十一

元史一百六十四

楊恭懿

王恂

郭守敬

楊桓

楊果

王構

魏初

焦養直

孟攀鱗

尚野

李之紹

第五十二

元史一百六十五

張禧

弘綱

賈文備

鮮誠

管如德

趙匣刺

周全

孔元

朱國寶

張立

齊秉節

張萬家奴

郭昂

綦公直

楊賽因不花

鮮卑仲吉

完顏石柱

第五十三

元史一百六十六

王縛

隋世昌

羅壁

劉恩

石高山

鞏彥暉

蔡玠

張泰亨

賀祉

孟德

鄭義

張榮實

玉

石抹狗狗

楚鼎

樊楫

張均

信苴日

王昔刺

趙宏偉

第五十四

元史一百六十七

張立道

張庭珎

庭瑞

張惠

劉好禮

王國昌

通

姜彧

張礎

呂盛

譚資榮

王惲

第五十五

元史一百六十八

陳祐

天祥

劉宣

何榮祖

陳思濟



秦長卿

趙與票

姚天福

許國楨

第五十六

元史一百六十九

賀仁傑

賈昔刺

劉哈刺八都魯

石抹明里

謝仲溫

高觿

張九思

王伯勝

第五十七

元史一百七十

尚文

申屠致遠

雷膺

胡祗通

王利用

暢師文

張炤

袁裕

張昉

郝彬

高源

楊湜

吳鼎

梁德珪

第五十八

元史一百七十一

劉因

吳澄

第五十九

元史一百七十二

程鉅夫

趙孟頫

鄧文原

袁楠

曹元用

齊履謙

第六十

元史一百七十三

崔斌

崔彧

葉李

燕公楠

馬紹

第六十一

元史一百七十四

姚燧

郭貫

夾谷之奇

劉賡

耶律有尚

郝天挺

張孔孫

第六十二

元史一百七十五

張珪

李孟

張養浩

敬儼

第六十三

元史一百七十六

曹伯啓

李元禮

王壽

王倚

劉正

謝讓

韓若愚

趙師魯

劉德溫

尉遲德誠

秦起宗

第六十四

元史一百七十七

張思明

吳元珪

張昇

臧夢解

陸垕

陳顥

第六十五

元史一百七十八

梁魯

劉敏中

王約

王結

宋衡

張伯淳

第六十六

元史一百七十九

賀勝

楊朶兒只

不花

蕭拜住

第六十七

元史一百八十

耶律希亮

趙世延

孔思晦

第六十八

元史一百八十一

元明善

虞集 槃 范梈

揭傒斯

黃潛 柳貫

第六十九

元史一百八十二

張起巖

歐陽玄

許有壬

宋本

謝端

第七十

元史一百八十三

王守誠

王思誠

李好文

李木魯

子遠

李洞

蘇天爵

第七十一

元史一百八十四

王都中

王克敬

任速哥

陳思謙

韓元善

崔敬

第七十二

元史一百八十五

呂思誠

汪澤民

干文傳

韓鏞

李稷

蓋苗

第七十三

元史一百八十六

張楨

歸暘

陳祖仁

成遵

曹鑑

張翥

第七十四

元史一百八十七

烏古孫良楨

賈魯

逯魯魯

貢師泰



元史目錄  
周伯琦

吳當

第七十五

元史一百八十八

董搏霄

劉哈刺不花

王英

石抹宜孫

邁里古思

第七十六

元史一百八十九

儒學一

趙復

張頴

金履祥

許謙

陳櫟

胡一桂

胡炳文

黃澤

蕭欒

韓擇

侯均

同恕第五居仁

安熙

第七十七

元史一百九十

儒學二

胡長孺

熊朋來

戴表元

牟應龍

鄭滁孫

弟陶孫

陳孚

馮子振

董朴

楊載

楊剛中

李桓

劉詵

龍仁夫劉岳申

韓性

程端禮

端學

吳師道

陸文圭

梁益

周仁榮

仔育  
孟夢恂

陳旅

程文

陳繹曾

李孝光

宇文公諒

伯顏

瞻思

第七十八

元史一百九十一

良吏一

譚澄

許維楨

許楫

田滋

卜天璋

第七十九

元史一百九十二

良吏二

耶律伯堅

段直

諳都刺

楊景行

林興祖

觀音奴

周自強

白景亮

王良

盧琦

鄒伯顏

劉秉直

許義夫

第八十

元史一百九十三

忠義一

李伯溫

石珪

攸哈剌拔都

任志

耶律忒末

伯八

合剌普華

劉天孚

蕭景茂

第八十一

元史一百九十四

忠義二

張桓

李黼

李齊

褚不華

郭嘉

喜同

韓因

卞琛

喬彛

顏瑜

王士元

楊樸

趙璉

弟琬

孫撫

石普

盛昭

楊乘

納速刺丁

第八十二卷

元史一百九十五

忠義三

伯顏不花的斤

樊執敬

全普庵撒里

周鏜

謝一魯

聶炳

劉耕孫

俞述祖

桂完澤

丑間

馮三

李羅帖木兒

彭庭堅

王伯顏

劉睿

朵里不花

野峻台

陳君用

卜里牙敦

潮海

魏中立

第八十三

元史一百九十六

忠義四

普顏不花

閔本

趙弘毅

鄭玉

黃暉

栢鐵穆爾

迭里弥實

朴賽因不花

張庸

丁好禮

郭庸

第八十四

元史一百九十七

孝友一

王閏

郭道卿

廷煒

蕭道壽

郭狗狗

張閏

田改住

三住兒

甯猪狗

李家奴

畢也速答立

尹夢龍

樊淵

賴祿孫

劉德泉

朱顯  
朱汝諧

吳思達

郭回

孔全

張子夔  
陳乞兒



楊一

張本 元善 張慶

趙毓

胡光遠

龐遵

陳韶孫

李忠

吳國寶

李茂

羊仁

黃覺經 章卿孫 俞全 李鵬飛

趙一德

王思聰

徹徹

王初應

施合德

鄭文嗣

王薦

郭全

劉德 劉居敬

馬押忽

楊皞

丁文忠

邵敬祖

李彥忠 郭成

譚景星

扈鐸

孫秀實

賈進

李子敬

宗杞

趙榮

吳好直

余丙

徐鈺

尹莘

孫希賢  
卜勝榮

劉廷讓

劉通

張旺舅

張思孝

杜佑

長壽

梁外僧

孫瑾

吳希魯

張恭

訾汝道

第八十五

元史一百九十八

孝友二

王庸

黃斌

石明三

劉琦

劉源

祝公榮

陸思孝

姜兼

胡伴侶

王士弘

何從義

哈都赤

高必達

曾德

靳昂

黃道賢

史彥斌

張紹祖

李明德

張緝

魏敬益

湯霖

孫抑

石永

王克已

劉思敬

呂祐

周樂

第八十六

元史一百九十九

隱逸

杜瑛

張特立

杜本

孫轍

何中

武恪

第八十七

元史二百

列女

崔氏

周氏

楊氏

胡烈婦

闕文興妻

郎氏

秦氏二女

孫氏女  
張氏女

許氏女

焦氏

周氏

趙孝婦

霍氏二婦

王德政妻

只魯花真

段氏

朱虎妻

聞氏  
劉氏

馬英

趙玉兒

馮氏

李君進妻

穆刺氏 趙哇兒

朱淑信

葛妙真

畏吾氏三女

王氏

張義婦

丁氏

白氏

趙美妻

李冬兒 李氏

脫脫尼

王氏

趙彬妻

王安哥

貴哥

臺叔齡妻

李智貞

蔡三玉

第八十八

元史二百一

列女

武用妻蘇氏

任文仲妻林氏

江文鑄妻范氏

姚氏

衣氏

湯輝妻張氏

俞士淵妻童氏

張氏女

惠士玄妻王氏

李景文妻徐氏

周婦毛氏

丁尚賢妻李氏

李順兒

吳守正妻禹氏

黃仲起妻朱氏

焦士廉妻王氏

陳淑真

李頤宗妻夏氏

秦閨夫妻柴氏

也先忽都

呂彥能妻

劉公翼妻蕭氏

袁氏孤女

徐允讓妻潘氏

趙洙妻許氏

張正蒙妻韓氏

劉氏二女

于同祖妻曹氏

李仲義妻劉氏

李弘益妻申氏

鄭琪妻羅氏

周如砥女

狄恒妻徐氏

柯節婦陳氏

李馬兒妻袁氏

王士明妻李氏

陶宗媛

王氏淑

高麗氏

張訥妻劉氏

觀音奴妻卜顏的斤

安志道妻劉氏

宋謙妻趙氏

齊閔妻劉氏

王宗仁妻宋氏

王履謙妻齊氏

王時妻安氏



徐猱頭妻岳氏

金氏

汪琰妻潘氏

第八十九

元史二百二

釋老

八思巴

膽巴必蘭納識理

丘處機

張宗演

張留孫吳全節

酈希誠

第九十

元史二百三

方技

田忠良

靳德進

張康

李杲

孫威

阿老瓦丁

亦思馬因

阿尼哥

劉元

第九十一

元史二百四

宦者

李邦寧

朴不花

第九十二

元史二百五

姦臣

阿合馬

盧世榮

桑哥

鐵木迭兒

哈麻

搠思監

第九十三

元史二百六

元史目錄  
三  
陳壽  
叛臣

李壇

王文統

阿魯輝帖木兒

第九十四

元史二百七

逆臣

鐵失

孛羅帖木兒

第九十五

元史二百八

外國

高麗

耽羅

日本

第九十六

元史二百九

安南

第九十七

元史二百十

緬

占城

暹

爪哇

瑠求

三嶼

馬八兒等國

目錄下

元史目錄下  
三  
洪武元年秋八月

上既平定朔方九州攸同而金匱之書悉入於秘府  
冬十有二月乃詔儒臣覈其所藏纂脩元史以  
成一代之典而臣濂臣禕實為之總裁明年春二  
月丙寅開局至秋八月癸酉書成紀凡三十有七  
卷志五十有三卷表六卷傳六十有三卷丞相宣  
國公臣善長率同列表上已經

御覽至若順帝之時史官職廢皆無實錄可徵因  
未得為完書

上復詔儀曹遣使行天下其涉於史事者令郡縣上

之又明年春二月乙丑開局至秋七月丁亥書成  
又復上進以卷計者紀十志五表二傳三十又六  
凡前書有所未備頗補完之其時與編摩者則臣  
趙燠臣朱右臣貝瓊臣朱世濂臣王廉臣王彝臣  
張孟兼臣高遜志臣李懋臣李汶臣張宣臣張簡  
臣杜賓臣俞寅臣殷弼而總其事者仍臣濂與臣  
禕焉合前後二書復釐分而附麗之共成二百一  
十卷舊所纂錄之士其名見於表中者或仕或隱  
皆散之四方獨燠能終始其事云昔者唐太宗以  
開基之主干戈甫定即留神於晉書勅房玄齡等

撰次成編人至今傳之欽惟

皇上龍飛江左取天下於羣雄之手大統既正亦

詔脩前代之史以為世鑒古今

帝王能成大業者其英見卓識若合符節蓋如是  
於戲盛哉第臣濂等以荒唐繆悠之學義例不明  
文辭過陋無以稱塞 詔旨之萬一夙夜揣今無  
任戰兢今鏤板訖功謹繫歲月次第於目錄之左  
庶幾博雅君子相與刊定焉洪武三年十月十三  
日史臣金華宋濂謹記

本紀卷第一

元史一

翰林學士亞中太知制誥兼修國史臣宋濂翰林待制承直郎無國史院編修官臣王禕等奉

勅修

太祖

太祖法天啓運聖武皇帝諱鐵木真姓奇渥溫氏蒙  
古部人其十世祖孛端義兒母曰阿蘭果火嫁脫奔  
咩哩犍生二子長曰博寒葛荅黑次曰博合覲撒里  
直既而夫亡阿蘭寡居夜寢帳中夢白光自天窓中  
入化爲金色神人來趨卧榻阿蘭驚覺遂有娠產一  
子即孛端義兒也孛端義兒狀貌奇異沉默寡言家



人謂之癡獨阿蘭語人曰此兒非癡後世子孫必有大貴者阿蘭沒諸兄分家貲不及之孛端義兒曰貧賤富貴命也貲財何足道獨乘青白馬至八里屯阿懶之地居焉食飲無所得適有蒼鷹搏野獸而食孛端義兒以緡設機取之鷹即馴狎乃臂鷹獵兔禽以爲饍或闕即繼似有天相之居數月有民數十家自統急里忽魯之野逐水草來遷孛端義兒結茅與之居出入相資自此生理稍足一日仲兄忽思之曰孛端義兒獨出而無賫近者得無凍餒乎即自來訪邀與俱歸孛端義兒中路謂其兄曰統急里忽魯之民

無所屬附若臨之以兵可服也兄以爲然至家即選壯士令李端义兒帥之前行果盡降之李端义兒歿子八林昔黑刺秃合必畜嗣生子曰咩撚篤敦咩撚篤敦妻曰莫挈倫生七子而寡莫挈倫性剛急時押刺伊而部有群小兒掘田間草根以爲食莫挈倫乘車出適見之怒曰此田乃我子馳馬之所群兒輒敢壞之邪驅車徑出輾傷諸兒有至死者押刺伊而忿怨盡驅莫挈倫馬羣以去莫挈倫諸子聞之不及被甲往追之莫挈倫私憂曰吾兒不甲以往恐不能勝敵令子婦載甲赴之已無及矣旣而果爲所敗六子

皆死押刺伊而乘勝殺莫罕倫滅其家唯一長孫海都尚幼乳母匿諸積木中得免先是莫罕倫第七子納真於八刺忽民家爲贅壻故不及難聞其家被禍來視之見病嫗十數與海都尚在其計無所出幸驅馬時兄之黃馬三次掣套竿逸歸納真至是得乘之乃僞爲牧馬者詣押刺伊而路逢父子二騎先後行臂鷹而獵納真識其鷹曰此吾兄所擎者也趨前紿其少者曰有赤馬引羣馬而東汝見之乎曰否少者乃問曰爾所經過有鳬鴈乎曰有曰汝可爲吾前導乎曰可遂同行轉一河隈度後騎相去稍遠刺殺之

繫馬與鷹趨迎後騎給之如初後騎問曰前射鳬鴈者吾子也何爲久卧不起耶納真以鼻衄對騎者方怒納真乘隙刺殺之復前行至一山下有馬數百牧者唯童子數人方擊髀石爲戲納真熟視之亦兄家物也給問童子亦如之於是登山四顧悄無來人盡殺童子驅馬臂鷹而還取海都并病嫗歸八刺忽之地止焉海都稍長納真率八刺忽怯谷諸民共立爲君海都既立以兵攻押刺伊而臣屬之形勢寢大列營帳於八刺合黑河上跨河爲梁以便往來由是四傍部族歸之者漸衆海都歿子拜姓忽兒嗣拜姓忽

兒殳子敦必乃嗣敦必乃殳子葛不律寒嗣葛不律  
寒殳子八哩丹嗣八哩丹殳子也速該嗣并吞諸部  
落勢愈盛大也速該崩至元三年十月追謚烈祖神  
元皇帝初烈祖征塔塔兒部獲其部長鐵木真宣懿  
太后月倫適生帝手握凝血如赤石烈祖異之因以  
所獲鐵木真名之志武功也族人泰赤烏部舊與烈  
祖相善後因塔兒不台用事遂生嫌隙絕不與通及  
烈祖崩帝方幼渾部衆多歸泰赤烏近侍有脫端火  
兒真者亦將叛帝自泣留之脫端曰深池已乾矣堅  
石已碎矣留復何爲竟帥衆馳去宣懿太后怒其弱

己也麾旗將兵躬自追叛者驅其大半而還時帝麾  
下搠只別居薩里河札木合部人秃台察兒居玉律  
哥泉時欲相侵凌掠薩里河牧馬以去搠只麾左右  
匿羣馬中射殺之札木合以爲怨遂與泰赤烏諸部  
合謀以衆三萬來戰帝時駐軍荅闌版朱思之野聞  
變大集諸部兵分十有三翼以俟已而札木合至帝  
與大戰破走之當是時諸部之中唯泰赤烏地廣民  
衆號爲最強其族照烈部與帝所居相近帝嘗出獵  
偶與照烈獵騎相屬帝謂之曰今夕可同宿乎照烈  
曰同宿固所願但從者四百因糗糧不具已遣半還

矣今將柰何帝固邀與宿凡其留者悉飲食之明日  
再合圍帝使左右驅獸向照烈照烈得多獲以歸其  
衆感之私相語曰泰赤烏與我雖兄弟常攘我車馬  
奪我飲食無人君之度有人君之度者其惟鐵木真  
太子乎照烈之長子律時爲泰赤烏所虐不能堪遂  
與塔海答魯領所部來歸將殺泰赤烏以自效帝曰  
我方熟寐幸汝覺我自令車轍人跡之塗當盡奪以  
與汝矣已而二人不能踐其言復叛去塔海答魯至  
中路爲泰赤烏部人所殺照烈部遂亡時帝功德日  
盛泰赤烏諸部多苦其主非法見帝寬仁時賜人以

裘馬心悅之若赤老溫若哲別若失力哥也不干諸  
人若朶郎吉若札刺兒若忙兀諸部皆慕義來降帝  
會諸族薛徹大丑及薛徹別吉等各以旄車載湏酪  
宴于幹難河上帝與諸族及薛徹別吉之母忽兒真  
之前共置馬湏一革囊薛徹別吉次母野別該之前  
獨寘一革囊忽兒真怒曰今不尊我而貴野別該乎  
疑帝之主饁者失丘兒所爲遂笞之於是頗有隙時  
皇弟別里古台掌帝乞列思事乞列思華言禁外繫馬所也播里  
掌薛徹別吉乞列思事播里從者因盜去馬勒別里  
古台執之播里怒斫別里古台傷其背左右欲闕別



里古台止之曰汝等欲即復讎乎我傷幸未甚姑待  
之不聽各持馬乳橦疾鬪奪忽兒真火里真二哈敦  
以歸薛徹別吉遣使請和因令二哈敦還會塔塔兒  
部長蔑兀真笑里徒背金約金主遣丞相完顏襄帥  
兵逐之北走帝聞之發近兵自斡難河迎擊仍諭薛  
徹別吉帥部人來助候六日不至帝自與戰殺蔑兀  
真笑里徒盡虜其輜重帝之麾下有爲乃蠻部人所  
掠者帝欲討之復遣六十人徵兵於薛徹別吉薛徹  
別吉以舊怨之故殺其十人去五十人衣而歸之帝  
怒曰薛徹別吉曩答我失丘兒斫傷我別里古台今

又敢乘敵勢以陵我耶因帥兵踰沙磧攻之殺虜其  
部衆唯薛徹大丑僅以妻孥免越數月帝復伐薛徹  
大丑追至帖烈徒之隘滅之克烈部札阿紺孛來歸  
札阿紺孛者部長汪罕之弟也汪罕名脫里受金封  
爵爲王番言音重故稱王爲汪罕初汪罕之父忽兒  
札胡思孟祿既卒汪罕嗣位多殺戮昆弟其叔父菊  
兒帥兵與汪罕戰逼於哈刺溫隘敗之僅以百餘騎  
脫走奔于烈祖烈祖親將兵逐菊兒走西夏復奪部  
衆歸汪罕汪罕德之遂相與盟稱爲按答按答華言  
文物之友  
也烈祖崩汪罕之弟也力可哈刺怨汪罕多殺之故

復叛歸乃蠻部乃蠻部長亦難赤爲發兵伐汪罕盡奪其部衆與之汪罕走河西回鶻回回三國奔契丹既而復叛歸中道糧絕將羊乳爲飲刺橐駝血爲食困乏之甚帝以其與烈祖交好遣近侍往招之帝親迎撫勞安置軍中振給之遂會于土兀刺河上尊汪罕爲父未幾帝伐蔑里乞部與其部長脫脫戰于莫那察山遂掠其資財田禾以遺汪罕汪罕因此部衆稍集居亡何汪罕自以其勢足以有爲不告於帝獨率兵復攻蔑里乞部部人敗走脫脫奔八兒忽真之隘汪罕大掠而還於帝一無所遺帝不以屑意會乃

蠻部長不魯欲罕不服帝復與汪罕征之至黑辛八石之野遇其前鋒也的脫孛魯者領百騎來戰見軍勢漸逼走據高山其馬鞍轉墜擒之曾未幾何帝復與乃蠻驍將曲薛吾撒八刺二人遇會日暮各還營壘約明日戰是夜汪罕多燃火營中示人不疑潛移部衆於別所及旦帝始知之因頗疑其有異志退師薩里河既而汪罕亦還至土兀刺河汪罕子亦刺合及札阿紺孛來會曲薛吾等察知之乘其不備襲虜其部衆于道亦刺合奔告汪罕汪罕命亦刺合與卜魯忽解共追之且遣使來曰乃蠻不道掠我人民太

子有四良將能假我以雪耻乎帝頓釋前憾遂遣博爾朮木華黎博羅渾赤老溫四人帥師以往師未至亦剌合已追及曲薛吾與之戰大敗卜魯忽解成擒流矢中亦剌合馬胯幾爲所獲須臾四將至擊乃蠻走盡奪所掠歸汪罕已而與皇弟哈撒兒再伐乃蠻拒闕於忽蘭蓋側山大敗之盡殺其諸將族衆積屍以爲京觀乃蠻之勢遂弱時泰赤烏猶強帝會汪罕於薩里河與泰赤烏部長沆忽等大戰幹難河上敗走之斬獲無算哈荅斤部散只兀部朶魯班部塔塔兒部弘吉剌部聞乃蠻泰赤烏敗皆畏威不自安會

於阿雷泉斬白馬爲誓欲襲帝及汪罕弘吉剌部長  
迭夷恐事不成潛遣人告變帝與汪罕自虎圖澤逆  
戰於孟亦烈川又大敗之汪罕遂分兵自由綠憐河  
而行札阿紺孛謀於按敦阿述燕火脫兒等曰我兄  
性行不常既屠絕我昆弟我輩又豈得獨全乎按敦  
阿述泄其言汪罕令執燕火脫兒等至帳下解其縛  
且謂燕火脫兒曰吾輩由西夏而來道路饑困其相  
誓之語遽忘之乎因唾其面坐上之人皆起而唾之  
汪罕又屢責札阿紺孛至於不能堪札阿紺孛與燕  
火脫兒等俱奔乃蠻帝駐軍於徹徹兒山起兵伐塔

塔兒部部長阿刺兀都兒等來逆戰大敗之時弘吉刺部欲來附哈撒兒不知其意往掠之於是弘吉刺歸札木合部與朶魯班亦乞刺思哈答斤火魯刺思塔塔兒散只兀諸部會于犍河共立札木合爲局兒罕盟于禿律別兒河岸爲誓曰凡我同盟有洩此謀者如岸之摧如林之伐誓畢共舉足蹋岸揮刀斫林驅士卒來侵塔海哈時在衆中與帝麾下抄吾兒連姻抄吾兒偶往視之具知其謀即還至帝所悉以其謀告之帝即起兵逆戰於海刺兒帖尼火魯罕之地破之札木合脫走弘吉刺部來降歲壬戌帝發兵於

兀魯回失連真河伐按赤塔塔兒察罕塔塔兒二部  
先誓師曰苟破敵逐北見棄遺物慎無獲俟軍事畢  
散之既而果勝族人按彈火察兒荅力台三人背約  
帝怒盡奪其所獲分之軍中初脫脫敗走八兒忽真  
隘既而復出爲患帝帥兵討走之至是又會乃蠻部  
不魯欲罕約朶魯班塔塔兒哈荅斤散只兀諸部來  
侵帝遣騎乘高四望知乃蠻兵漸至帝與汪罕移軍  
入塞亦剌合自北邊來據高山結營乃蠻軍衝之不  
動遂還亦剌合尋亦入塞將戰帝遷輜重於他所與  
汪罕倚阿蘭塞爲壁大戰于關突壇之野乃蠻使神



元史卷一百一十五  
九  
巫祭風雪欲因其勢進攻既而反風逆擊其陣乃蠻  
軍不能戰欲引還雪滿溝澗帝勒兵乘之乃蠻大敗  
是時札木合部起兵援乃蠻見其敗即還道經諸部  
之立己者大縱掠而去帝欲爲長子朮赤求昏於汪  
罕女抄兒伯姬汪罕之子禿撒合亦欲尚帝女火阿  
真伯姬俱不諧自是頗有違言初帝與汪罕合軍攻  
乃蠻約明日戰札木合言於汪罕曰我於君是白翎  
雀他人是鴻鴈耳白翎雀寒暑常在北方鴻鴈遇寒  
則南飛就暖耳意謂帝心不可保也汪罕聞之疑遂  
移部衆於別所及議昏不成札木合復乘隙謂亦剌

合曰太子雖言是汪罕之子嘗通信於乃蠻將不利於君父子君若能加兵我當從傍助君也亦刺合信之會荅力台火察兒按彈等叛歸亦刺合亦說之曰我等願佐君討宣懿太后諸子也亦刺合大喜遣使言於汪罕汪罕曰札木合巧言寡信人也不足聽亦刺合力言之使者往返者數四汪罕曰吾身之存實大子是賴髭鬚已白遺骸冀得安寢汝乃喋喋不已耶汝善自爲之母貽吾憂可也札木合遂縱火焚帝牧地而去歲癸丑汪罕父子謀欲害帝乃遣使者來曰向者所議媼事今當相從請來飲布渾察兒

布渾察兒

華言許  
親酒也

帝以爲然率十騎赴之至中道心有所疑命  
一騎往謝帝遂還汪罕謀既不成即議舉兵來侵圍  
人乞力失聞其事密與弟把帶告帝帝即馳軍阿蘭  
塞悉移輜重於他所遣折里麥爲前鋒俟汪罕至即  
整兵出戰先與朱力斤部遇次與董哀部遇又次與  
火力失烈門部遇皆敗之最後與汪罕親兵遇又敗  
之亦刺合見勢急突來衝陣射之中頰即斂兵而退  
怯里亦部人遂棄汪罕來降汪罕既敗而歸帝亦將  
兵還至董哥澤駐軍遣阿里海致責於汪罕曰君爲  
叔父菊兒所逐困迫來歸我父即攻菊兒敗之於河

西其土地人民盡收與君此大有功於君一也君爲  
乃蠻所攻西奔日沒處君弟札阿紺孛在金境我亟  
遣人召還比至又爲蔑里乞部人所逼我請我兄薛  
徹別及我弟大丑往殺之此大有功於君二也君  
困迫來歸時我過哈丁里廐掠諸部羊馬資財盡以  
奉君不半月間令君饑者飽瘠者肥此大有功於君  
三也君不告我往掠蔑里乞部大獲而還未嘗以毫  
髮分我我不以爲意及君爲乃蠻所傾覆我遣四將  
奪還爾民人重立爾國家此大有功於君四也我征  
朶魯班塔塔兒哈荅斤散只兀弘吉剌五部如海東

驚禽之於鵝鴈見無不獲獲則必致於君此大有功  
於君五也是五者皆有明驗君不報我則已今乃易  
恩爲讐而遽加兵於我哉汪罕聞之語亦刺合曰我  
向者之言何如吾兒宜識之亦刺合曰事勢至今日  
必不可已唯有竭力戰鬪我勝則并彼彼勝則并我  
耳多言何爲時帝諸族按禪火察兒皆在汪罕左右  
帝因遣阿里海誚責汪罕就令告之曰昔者吾國無  
主以薛徹太丑二人實我伯祖八刺哈之裔欲立之  
二人既已固辭乃以汝火察兒爲伯父聶坤之子又  
欲立之汝又固辭然事不可中輟復以汝按禪爲我

祖忽都刺之子又欲立之汝又固辭於是汝等推戴  
吾爲之主初豈我之本心哉不自意相迫至於如此  
也三河祖宗肇基之地母爲他人所有汝善事汪罕  
汪罕性無常遇我尚如此況汝輩乎我今去矣我今  
去矣按彈等無一言帝既遣使於汪罕遂進兵虜弘  
吉利別部溺兒斤以行至班朱尼河河水方渾帝飲  
之以誓衆有亦乞烈部人孛徒者爲火魯刺部所敗  
因遇帝與之同盟哈撒兒別居哈刺渾山妻子爲汪  
罕所虜挾幼子脫虎走糧絕探鳥卵爲食來會于河  
上時汪罕形勢盛強帝微弱勝敗未可知衆頗危懼

凡與飲河水者謂之飲渾水言其曾同艱難也汪罕  
兵至帝與戰于哈蘭真沙陀之地汪罕大敗其臣接  
彈火察兒札木合等謀弑汪罕弗克往奔乃蠻答力  
台把憐等部稽顙來降帝移軍幹難河源謀攻汪罕  
復遣二使往汪罕偽爲哈撒兒之言曰我兄太子今  
旣不知所在我之妻孥又在王所縱我欲往將安所  
之耶王儻棄我前愆念我舊好即束手來歸矣汪罕  
信之因遣人隨二使來以皮囊盛血與之盟及至即  
以二使爲向導令軍士銜枚夜趨折折運都山出其  
不意襲汪罕敗之盡降克烈部衆汪罕與亦剌合挺

身遁去汪罕嘆曰我爲吾兒所誤今日之禍悔將何  
及汪罕出走路逢乃蠻部將遂爲其所殺亦剌哈走  
西夏日剽掠以自資既而亦爲西夏所攻走至龜茲  
國龜茲國主以兵討殺之帝既滅汪罕大獵於帖麥  
該川宣布號令振凱而歸時乃蠻部長太陽罕心忌  
帝能遣使謀於白達達部主阿剌忽思曰吾聞東方  
有稱帝者天無二日民豈有二王邪君能益吾右翼  
吾將奪其孤矢也阿剌忽思即以是謀報帝居無何  
舉部來歸歲甲子帝大會於帖麥該川議伐乃蠻羣  
臣以方春馬瘦宜俟秋高爲言皇弟幹赤斤曰事所



當爲斷之在早何可以馬瘦爲辭別里古台亦曰乃  
蠻欲奪我孤矢是小我也我輩義當同死彼恃其國  
大而言誇苟乘其不備而攻之功當可成也帝悅曰  
以此衆戰何憂不勝遂進兵伐乃蠻駐兵於建忒該  
山先遣虎必來哲別二人爲前鋒太陽罕至自按臺  
營於沆海山與蔑里乞部長脫脫克烈部長阿憐太  
石猥刺部長忽都花別吉暨禿魯班塔塔兒哈答斤  
散只兀諸部合兵勢頗盛時我隊中羸馬有驚入乃  
蠻營中者太陽罕見之與衆謀曰蒙古之馬瘦弱如  
此今當誘其深入然後戰而擒之其將火力速八赤

對曰先王戰伐勇進不回馬尾人背不使敵人見之  
今爲此遷延之計得非心中有所懼乎苟懼之何不  
令后妃來統軍也太陽罕怒即躍馬索戰帝以哈撒  
兒主中軍時扎木合從太陽罕來見帝軍容整肅謂  
左右曰乃蠻初舉兵視蒙古軍若牯羴兒意謂蹄  
皮亦不留今吾觀其氣勢殆非往時矣遂引所部兵  
遁去是日帝與乃蠻軍大戰至晡禽殺太陽罕諸部  
軍一時皆潰夜走絕險墜崖死者不可勝計明日餘  
衆悉降於是朶魯班塔塔兒哈荅斤散只兀四部亦  
來降已而復征蔑里乞部其長脫脫奔太陽罕之兄

元史本紀卷一  
十四  
卜魯欲罕其屬帶兒兀孫獻女迎降俄復叛去帝至  
泰寒寨遣孛羅歡沈白二人領右軍往平之歲乙丑  
帝征西夏拔力吉里寨經落思城大掠人民及其橐  
駝而還

元年丙寅帝大會諸王羣臣建九游白旗即皇帝位  
於斡難河之源諸王羣臣共上尊號曰成吉思皇帝  
是歲實金泰和之六年也帝既即位遂發兵復征乃  
蠻時卜魯欲罕獵於兀魯塔山擒之以歸太陽罕子  
屈出律罕與脫脫奔也兒的石河上帝始議伐金初  
金殺帝宗親咸補海罕帝欲復讐會金降俘等具言

金主璟肆行暴虐帝乃定議致討然未敢輕動也  
二年丁卯秋再征西夏克幹羅孩城是歲遣按彈不  
兀刺二人使乞力吉思既而野牒亦納里部阿里替  
也兒部皆遣使來獻名鷹

三年戊辰春帝至自西夏夏避暑龍庭冬再征脫脫  
及屈出律罕時幹亦刺部等遇我前鋒不戰而降因  
用爲向导至也兒的石河討蔑里乞部滅之脫脫中  
流矢死屈出律奔契丹

四年己巳春畏吾兒國來歸帝入河西夏主李安全  
遣其世子率師來戰敗之獲其副元帥高令公克兀

刺海城俘其太傅西壁氏進至克夷門復敗夏師獲其將崑名令公薄中興府引河水灌之堤決水外潰遂撤圍還遣太傅訛荅入中興招諭夏主夏主納女請和五年庚午春金謀來伐築烏沙堡帝命遮別襲殺其衆遂畧地而東初帝貢歲幣于金金主使衛王允濟受貢於靜州帝見允濟不爲禮允濟歸欲請兵攻之會金主璟殂允濟嗣位有詔至國傳言當拜受帝問金使曰新君爲誰金使曰衛王也帝遽南面唾曰我謂中原皇帝是天上人做此等庸懦亦爲之耶何以拜爲即乘馬北去金使還言允濟益怒欲俟帝再入貢

就進塲害之帝知之遂與金絕益嚴兵爲備

六年辛未春帝居怯綠連河西域哈刺魯部主阿昔  
蘭罕來降畏吾兒國主亦都護來覲二月帝自將南  
伐敗金將定薛於野狐嶺取大水瀠豐利等縣金復  
築烏沙堡秋七月命遮別攻烏沙堡及烏月營拔之  
八月帝及金師戰于宣平之會河川敗之九月拔德  
興府居庸關守將遁去遮別遂入關抵中都冬十月  
襲金群牧監驅其馬而還耶律阿海降入見帝于行  
在所皇子朮赤察合台窩闊台分徇雲內東勝武朔  
等州下之是冬駐蹕金之北境劉伯林夾谷長哥等

元史本紀卷一  
六  
來降

七年壬申春正月耶律留哥聚衆于隆安自爲都元帥遣使來附帝破昌桓撫等州金將紇石烈九斤等率兵三十萬來援帝與戰于獯兒背大敗之秋圍西京金元帥左都監奧屯襄率師來援帝遣兵誘至密谷口逆擊之盡殪復攻西京帝中流矢遂撤圍九月察罕克奉聖州冬十二月甲申遮別攻東京不拔即引去夜馳還襲克之

八年癸酉春耶律留哥自立爲遼王改元元統秋七月克宣德府遂攻德興府皇子拖雷駙馬赤駒先登

拔之帝進至懷來及金行省完顏綱元帥高琪戰敗之追至北口金兵保居庸詔可忒薄剌守之遂趨涿鹿金西京留守忽沙虎遁去帝出紫荆關敗金師于五回嶺拔涿易二州契丹訛魯不兒等獻北口遮別遂取居庸與可忒薄剌會八月金忽沙虎弑其主允濟迎豐王珣立之是秋分兵三道命皇子术赤察合台窩闊台爲右軍循太行而南取保遂安肅安定邢洛磁相衛輝懷孟掠澤潞遼沁平陽太原吉陽拔汾石嵐忻代武等州而還皇弟哈撒兒及幹陳那顏拙赤解薄剌爲左軍遵海而東取薊州平灤遼西諸郡



而還帝與皇子拖雷爲中軍取雄霸莫安河間滄景  
獻深祁蟲冀恩濮開滑博濟泰安濟南濱棣益都淄  
濰登萊沂等郡復命木華黎攻密州屠之史天倪蕭  
勃迭率衆來降木華黎承制並以爲萬戶帝至中都  
三道兵還合屯大口是歲河北郡縣盡拔唯中都通  
順真定清沃大名東平德邳海州十一城不下

九年甲戌春三月駐蹕中都北郊諸將請乘勝破燕  
帝不從乃遣使諭金主曰汝山東河北郡縣悉爲我  
有汝所守惟燕耳天既弱汝我復迫汝於險天其  
謂我何我今還軍汝不能犒師以弭我諸將之怒耶

金主遂遣使求和奉衛紹王女岐國公主及金帛童男女五百馬三千以獻仍遣其丞相完顏福興送帝出居庸夏五月金主遷汴以完顏福興及叅政抹撚盡忠輔其太子守忠留守中都六月金紇軍斫荅等殺其主帥率衆來降詔三摸合石抹明安與斫荅等圍中都帝避暑魚兒灤秋七月金太子守忠走汴冬十月木華黎征遼東高州盧琮金扑等降錦州張鯨殺其節度使自立爲臨海王遣使來降

十年乙亥春正月金右副元帥蒲察七斤以通州降以七斤爲元帥二月木華黎攻北京金元帥寅荅虎

烏古倫以城降以寅荅虎爲留守吾也而權兵馬都  
元帥鎮之興中府元帥石天應來降以天應爲興中  
府尹三月金御史中丞李英等率師援中都戰于霸  
州敗之夏四月克清順二州詔張鯨總北京十提控  
兵從南征鯨謀叛伏誅鯨弟致遂據錦州僭號漢興  
皇帝改元興龍五月庚申金中都留守完顏福興仰  
藥死抹撚盡忠棄城走明安入守之是月避暑桓州  
涼涇遣忽都忽等籍中都帑藏秋七月紅羅山寨主  
杜秀降以秀爲錦州節度使遣乙職里往諭金主以  
河北山東未下諸城來獻及去帝號爲河南王當爲

罷兵不從詔史天倪南征授右副都元帥賜金虎符  
八月天倪取平州金經畧使乞住降木華黎遣史進  
道等攻廣寧府降之是秋取城邑凡八百六十有二  
冬十月金宣撫蒲鮮萬奴據遼東僭稱天王國號大  
真改元天泰十一月耶律留哥來朝以其子斜閣入  
侍史天祥討興州擒其節度使趙守玉

十一年丙子春還廬朐河行宮張致陷興中府木華  
黎討平之秋撒里知兀解三摸合拔都魯率師由西  
夏趨關中遂越潼關獲金西安軍節度使尼龐古蒲  
魯虎拔汝州等郡抵汴京而還冬十月蒲鮮萬奴降

以其子帖哥入侍既而復叛僭稱東夏

十二年丁丑夏盜祁和尚據武平史天祥討平之遂擒金將巢元帥以獻察罕破金監軍夾谷於霸州金求和察罕乃還秋八月以木華黎爲太師封國王將蒙古弘漢諸軍南征拔逐城蠡州冬克大名府遂東定益都淄登萊濰密等州是歲禿滿部民叛命鉢魯完朶魯伯討平之

十三年戊寅秋八月兵出紫荆口獲金行元帥事張柔命還其舊職木華黎自西京入河東克太原平陽及忻代澤潞汾霍等州金將武仙攻滿城張柔擊敗

之是年伐西夏圍其王城夏主李遵頊出走西涼契丹六哥據高麗江東城命哈真札剌率師平之高麗王瞰遂降請歲貢方物

十四年己卯春張柔敗武仙降祁陽曲陽中山等城夏六月西域殺使者帝率師親征取訛荅剌城擒其酋哈只兒只蘭禿秋木華黎克尙嵐吉隰等州進攻絳州拔其城屠之

十五年庚辰春三月帝克蒲華城夏五月克尋思干城駐蹕也石的石河秋攻幹脫羅兒城克之木華黎徇地至真定武仙出降以史天倪爲河北西路兵馬

都元帥行府事仙副之東平嚴實籍彰德大名磁洛  
恩博滑濬等州戶三十萬來歸木華黎承制授實金  
紫光祿大夫行尚書省事冬金邢州節度使武貴降  
木華黎攻東平不克留嚴實守之撤圍趨洺州分兵  
徇河北諸郡是歲授董俊龍虎衛上將軍右副都元  
帥

十六年辛巳春帝攻卜哈兒薛迷思干等城皇子木  
赤攻養吉干八兒真等城並下之夏四月駐蹕鐵門  
關金主遣烏古孫仲端奉國書請和稱帝爲兄不允  
金東平行省事忙古棄城遁嚴實入守之宋遣苟夢

王來請和夏六月宋連水忠義統轄石珪率衆來降以珪爲濟兗單三州總管秋帝攻班勒紇等城皇子术赤察合台窩闊台分攻玉龍傑赤等城下之冬十月皇子拖雷克馬魯察葉可馬魯昔刺思等城木華黎出河西克蔑綏德保安廊坊丹等州進攻延安不下十一月宋京東安撫使張琳以京東諸郡來降以琳爲滄景濱棣等州行都元帥是歲詔諭德順州十七年壬午春皇子拖雷克徒思匿察兀兒等城還經木剌夷國大掠之渡撟撟闌河克也里等城遂與帝會合兵攻塔里寒寨拔之木華黎軍克乾涇邠原



等州攻鳳翔不下夏避暑塔里寒寨西域主札闌丁  
出奔與臧里可汗合忽都忽與戰不利帝自將擊之  
擒臧里可汗札闌丁遁去遣八剌追之不獲秋金復  
遣烏古孫仲端來請和見帝于回鶻國帝謂曰我向  
欲汝主授我河朔地令汝主爲河南王彼此罷兵汝  
主不從今木華黎已盡取之乃始來請耶仲端乞哀  
帝曰念汝遠來河朔既爲我有關西數城未下者其  
割付我令汝主爲河南王勿復遠也仲端乃歸金平  
陽公胡天祚以青龍堡降冬十月金河中府來附以  
石天應爲兵馬都元帥守之

十八年癸未春三月太師國王木華黎薨夏避暑八魯灣川皇子术赤察合台窩闊台及八剌之兵來會遂定西域諸城置達魯花赤監治之冬十月金主珣殂子守緒立是歲宋復遣苟夢玉來

十九年甲申夏宋大名總管彭義斌侵河北史天倪與戰於恩州敗之是歲帝至東印度國角端見班師二十年乙酉春正月還行宮二月武仙以真定叛殺史天倪董俊判官李全亦以中山叛三月史天澤擊仙走之復真定夏六月彭義斌以兵應仙天澤禦於贊皇擒斬之

二十一年春正月帝以西夏納仇人赤牂喝翔昆及不  
遣質子自將伐之二月取黑水等城夏避暑於渾垂  
山取甘肅等州秋取西涼府撈羅河羅等縣遂踰沙  
陀至黃河九渡取應里等縣九月李全執張琳郡王  
帶孫進兵圍全於益都冬十一月庚申帝攻靈州夏  
遣嵬名令公來援丙寅帝渡河擊夏師敗之丁丑五  
星聚見於西南駐蹕鹽州川十二月李全降授張柔  
行軍千戶保州等處都元帥是歲皇子窩闊台及察  
罕之師圍金南京遣唐慶責歲幣于金

二十二年丁亥春帝留兵攻夏王城自率師渡河攻

積石州二月破臨洮府三月破洮河西寧二州遣韓  
陳那顏攻信都府拔之夏四月帝次龍德拔德順等  
州德順節度使愛申進士馬肩龍死焉五月遣唐慶  
等使金閏月避暑六盤山六月金遣完顏合周奧屯  
阿虎來請和帝謂群臣曰朕自去冬五星聚時已嘗  
許不殺掠遽忘下詔耶今可布告中外令彼行人亦  
知朕意是月夏主李晁降帝次清水縣西江秋七月  
壬午不豫己丑崩于薩里川哈老徒之行宮臨崩謂  
左右曰金精兵在潼關南據連山北限大河難以遽  
破若假道于宋宋金世讎必能許我則下兵唐鄧直

元史本紀卷一  
三  
擣大梁金急必徵兵潼關然以數萬之衆千里赴援  
人馬疲弊雖至弗能戰破之必矣言訖而崩壽六十  
六塋起輦谷至元三年冬十月追謚聖武皇帝至大  
二年冬十一月庚辰加謚法天啓運聖武皇帝廟號  
太祖在位二十二年帝深沉有大畧用兵如神故能  
滅國四十遂平西夏其奇勲偉跡甚衆惜乎當時史  
官不備或多失於紀載云

戊子年是歲皇子拖雷監國

本紀卷第一

本紀卷第二

元史二

翰林學士帝大憲知制誥兼修國史臣宋濂

翰林待制承直郎無國史院編修官王禕等奉

勅修

太宗

太宗英文皇帝諱窩闊台太祖第三子母曰光獻皇后弘吉剌氏太祖伐金定西域帝攻城畧地之功居多太祖崩自霍博之地來會喪

元年己丑夏至忽魯班雪不只之地皇弟拖雷來見秋八月己未諸王百官大會于怯綠連河曲雕阿蘭之地以太祖遺詔即皇帝位于庫鐵烏阿剌里始立

朝儀皇族尊屬皆拜頒大札撒華言大令也金遣阿虎帶

來歸太祖之賄帝曰汝主父不降使先帝老于兵間

吾豈能忘也賄何為哉却之遂議伐金救蒙古民有

馬百者輸牝馬一牛百者輸牝牛一羊百者輸粉羊

一為永制始置倉廩立驛傳命河北漢民以戶計出

賦調耶律楚材主之西域人以丁計出賦調麻合沒

的滑刺西迷主之印度國主木羅夷國主來朝西域

伊思八刺納城酋長來降是歲金復遣使來聘不受

二年庚寅春正月詔自今以前事勿問定諸路課稅

酒課驗實息十取一雜稅三十取一是春帝與拖雷

備于幹兒寒河遂遣兵圍京兆金主率師來援敗之  
尋拔其城夏避暑于塔密兒河朶忽魯及金兵戰敗  
績命速不台援之秋七月帝自將南伐皇弟拖雷皇  
姪蒙哥率師從拔天成等堡遂渡河攻鳳翔冬十一  
月始置十路徵收課稅使以陳時可趙昉使燕京劉  
中劉桓使宣德周立和王貞使西京呂振劉子振使  
太原楊簡高廷英使平陽王晉賈從使真定張瑜王  
銳使東平王德亨侯顯使北京夾谷永程泰使平州  
田木西李天翼使濟南是月師攻潼關藍關不克十  
二月拔天勝寨及韓城蒲城



三年辛卯春二月克鳳翔攻洛陽河中諸城下之夏  
五月避暑于九十九泉命拖雷出師寶鷄遣搠不罕  
使宋假道宋殺之復遣李國昌使宋需糧秋八月幸  
雲中始立中書省改侍從官名以耶律楚材爲中書  
令粘合重山爲左丞相鎮海爲右丞相是月以高麗  
殺使者命撒禮塔率師討之取四十餘城高麗王瞰  
遣其弟懷安公請降撒禮塔承制設官分鎮其地乃  
還冬十月乙酉帝圍河中十二月己未拔之

四年壬辰春正月戊子帝由白坡渡河庚寅拖雷渡  
漢江遣使來報即詔諸軍進發甲午次鄭州金防城

提控馬伯堅降授伯堅金符使守之丙申大雪丁酉  
又雪次新鄭是日拖雷及金師戰于釣州之三峯大  
敗之獲金將蒲阿戊戌帝至三峯壬寅攻釣州克之  
獲金將合達遂下商號嵩汝陝洛許鄭陳亳潁壽睢  
永等州三月命速不台等圍南京金主遣其弟曹王  
訛可入質帝還留速不台守河南夏四月出居庸避  
暑官山高麗叛殺所置官吏徙居江華島秋七月遣  
唐慶使金諭降金殺之八月撒禮塔復征高麗中矢  
卒金叅政完顏思烈恒山公武仙救南京諸軍與戰  
敗之九月拖雷薨帝還龍庭冬十一月獵于納蘭赤

刺溫之野十二月如太祖行宮

五年癸巳春正月庚申金主奔歸德戊辰金西面元帥崔立殺留守完顏奴申完顏習捏阿不以南京降二月幸鐵列都之地詔諸王議伐萬奴遂命皇子貴由及諸王按赤帶將左翼軍討之夏四月速不台進至青城崔立以金太后王氏后徒單氏及荆王從恪梁王守純等至軍中速不台遣送行在遂入南京六月金主奔蔡塔察兒率師圍之詔以孔子五十一世孫元楷襲封衍聖公秋八月獵于兀必思地以阿同葛等充宣差勘事官括中州戶得戶七十三萬餘九月

擒萬奴冬十一月宋遣荆鄂都統孟珙以兵糧來助十二月諸軍與宋兵合攻蔡敗武仙于息州金人以海沂萊濰等州降是冬帝至阿魯兀忽可吾行宮大風霾七晝夜敕修孔子廟及渾天儀

六年甲午春正月金主傳位于宗室子承麟遂自經而焚城拔獲承麟殺之宋兵取金主餘骨以歸金亡是春會諸王宴射于斡兒寒河夏五月帝在達蘭達葩之地大會諸王百僚諭條令曰凡當會不赴而私宴者斬諸出入宮禁各有從者男女止以十人爲朋出入毋得相雜軍中凡十人置甲長聽其指揮專擅

者論罪其甲長以事來宮中即置權攝一人甲外一人二人不得擅自往來違者罪之諸公事非當言而言者拳其耳再犯笞三犯杖四犯論死諸千戶越萬戶前行者隨以木鏃射之百戶甲長諸軍有犯其罪同不遵此法者斥罷今後來會諸軍甲內數不足於近翼抽捕足之諸人或居室或在軍毋敢喧呼凡來會用善馬五十疋爲一羈守者五人飼羸馬三人守乞烈思三人但盜馬一二者即論死諸人馬不應絆於乞烈思內者輒沒與畜虎豹人諸婦人製質孫燕服不如法者及妬者乘以驕牛徇部中論罪即聚財

爲更娶秋七月以胡土虎那顏爲中州斷事官遣達  
海紂卜征蜀是秋帝在八里里答蘭答八思之地議  
自將伐宋國王查老溫請行遂遣之冬獵于脫卜寒  
地

七年乙未春城和林作萬安宮遣諸王拔都及皇子  
貴由皇姪蒙哥征西域皇子闊端征秦鞏皇子曲出  
及胡土虎伐宋唐古征高麗秋九月諸王口溫不花  
獲宋何太尉冬十月曲出圍棗陽拔之遂徇襄鄧入  
郢虜人民牛馬數萬而還十一月闊端攻石門金便  
宜都總帥汪世顯降中書省臣請契勘大明曆從之

八年丙申春正月諸王各治具來會宴萬安宮落成  
詔印造交鈔行之二月命應州郭勝鈞州李木魯九  
住鄧州趙祥從曲出充先鋒伐宋三月復修孔子廟  
及司天臺夏六月復括中州戶口得續戶一百一十  
餘萬耶律楚材請立編修所於燕京經籍所於平陽  
編集經史召儒士梁陟充長官以王萬慶趙著副之  
秋七月命陳時可闕刑名科差課稅等案赴闕磨照  
詔以真定民戶奉太后湯沐中原諸州民戶分賜諸  
王貴戚幹魯朶拔都平陽府茶合帶太原府古與大  
名府李魯帶邢州果魯于河間府李魯古帶廣寧府

野苦益都濟南二府戶內撥賜按赤帶濱棣州幹陳  
那顏平灤州皇子闊端駙馬赤苦公主阿剌海公主  
果真國王查剌溫茶合帶鍛真蒙古寒札按赤那顏  
坼那顏火斜木思並於東平府戶內撥賜有差耶律  
楚材言非便遂命各位止設達魯花赤朝廷置官吏  
收其租頒之非奉詔不得徵兵賦闊端率汪世顯等  
入蜀取宋關外數州斬蜀將曹友聞冬十月闊端入  
成都詔招諭秦鞏等二十餘州皆降皇子曲出薨張  
柔等攻郢州拔之襄陽府來附以游顯領襄陽樊城  
事



九年丁酉春獵于揭揭察哈之澤蒙哥征欽察部破之擒其酋八赤蠻夏四月築掃隣城作迦堅茶寒殿六月左翼諸部訛言括民女帝怒因括以賜麾下秋八月命木虎乃劉中試諸路儒士中選者除本貫議事官得四千三十人冬十月獵于野馬川幸龍庭遂至行宮是冬口溫不花等圍光州命張柔鞏彥暉史天澤攻下之遂別攻蘄州降隨州畧地至黃州宋懼請和乃還

十年戊戌春塔思軍至北峽關宋將汪統制降夏襄陽別將劉義叛執游顯等降宋宋兵復取襄樊帝獵

于揭揭察哈之澤築圖蘇湖城作迎駕殿秋八月陳  
時可高慶民等言諸路旱蝗詔免今年田租仍停舊  
未輸納者俟豐歲議之

十一年己亥春復獵于揭揭察哈之澤皇子闊端軍  
至自西川秋七月游顯自宋逃歸以山東諸路災免  
其稅糧冬十一月蒙哥率師圍阿速蔑怯思城閱三  
月拔之十二月商人奧都剌合蠻買撲中原銀課二  
萬二千錠以四萬四千錠爲額從之

十二年庚子春正月以奧都剌合蠻充提領諸路課  
稅所官皇子貴由克西域未下諸部遣使奏捷命張

柔等八萬戶伐宋冬十二月詔貴由班師敕州郡失盜不獲者以官物償之國初令民代償民多亡命至是罷之是歲以官民貸回鶻金償官者歲加倍名羊羔息其害爲甚詔以官物代還凡七萬六千錠仍命凡假貸歲久惟子本相侔而止著爲令籍諸王大臣所俘男女爲民

十三年辛丑春二月獵于揭揭察哈之澤帝有疾詔赦天下囚徒帝瘳秋高麗國王王暉以族子縛入質冬十月命牙老瓦赤主管漢民公事十一月丁亥大獵庚寅還至鉞鐵鐸胡蘭山與都剌合蠻進酒帝歡

飲極夜乃罷辛卯遲明帝崩于行殿在位十三年壽五十有六塋起輦谷追謚英文皇帝廟號太宗帝有寬弘之量忠恕之心量時度力舉無過事華夏富庶羊馬成群旅不賫糧時稱治平

壬寅年春六皇后乃馬真氏始稱制秋七月張柔自五河口渡淮攻宋揚滁和等州

癸卯年春正月張柔分兵屯田于襄城夏五月熒惑犯房星秋后命張柔總兵戍杞

甲辰年夏五月中書令耶律楚材薨

乙巳年秋后命馬步軍都元帥察罕等率騎三萬與

張柔掠淮西攻壽州拔之遂攻泗州盱眙及揚州宋制置趙葵請和乃還

### 定宗

定宗簡平皇帝諱貴由太宗長子也母曰六皇后乃馬真氏以丙寅年生帝太宗嘗命諸王按只帶伐金帝以皇子從虜其親王而歸又從諸王拔都西征次阿速境攻圍木柵山寨以三十餘人與戰帝及憲宗與焉太宗嘗有旨以皇孫失烈門爲嗣太宗崩皇后臨朝會諸王百官於荅蘭荅八思之地遂議立帝元年丙午春正月張柔入覲於和林秋七月即皇帝

位于汪吉宿滅禿里之地帝雖御極而朝政猶出於  
六皇后云冬獵黃羊于野馬川權萬戶史權等耀兵  
淮南攻虎頭關寨拔之進圍黃州

二年丁未春張柔攻泗州夏避暑于曲律淮黑哈速  
之地秋西巡八月命野里知吉帶率撾思蠻部兵征  
西是月詔蒙古人戶每百以一名充拔都魯九月取  
太宗宿衛之半以也曲門荅兒領之冬十月括人戶  
三年戊申春三月帝崩于橫相乙兒之地在位三年  
壽四十有三塋起輦谷追謚簡平皇帝廟號定宗是  
歲大旱河水盡涸野草自焚牛馬十死八九人不聊

生諸王及各部又遣使於燕京迤南諸郡徵求貨財  
弓矢鞍轡之物或於西域回鶻索取珠璣或於海東  
樓取鷹鵠駟騎絡繹晝夜不絕民力益困然自壬寅  
以來法度不一內外離心而太宗之政衰矣

己酉年

庚戌年定宗崩後議所立未決當是時已三歲無君  
其行事之詳簡策失書無從考也

本紀卷第二